

Brambles

Belastingbeleid

Hersien: 27 Junie 2023

Weergawe 6,0

Ons besigheid

Brambles se doel is om mense elke dag met die lewe se noodsaaklikhede te verbind. Deur sy "deel-en-hergebruik"-model bring Brambles meer goedere aan meer mense op meer plekke as enige ander organisasie. Brambles, 'n pionier van die deeelekonomie, is een van die wêreld se volhoubaarste logistiekondernemings. Brambles se platforms vorm die onsigbare ruggraat van wêreldwye voorsieningskettings, hoofsaaklik in diens van die volgende bedrywe: vinnig bewegende verbruikersgoedere, varsprodukte, drank, kleinhandel en algemene vervaardiging.

Ons kringvormige sakemodel sit die deel en hergebruik van die wêreld se grootste versameling herbruikbare laaiborde en vraghouers voort. Dit stel Brambles in staat om sy klante te dien, die omgewingsimpak te minimaliseer en die doeltreffendheid en veiligheid van voorsieningskettings wêreldwyd te verbeter.

Op 30 Junie 2022, was Brambles:



Werkzaam in ...
~60
lande



In besit van ...
~360 miljoen
laaiborde, kratte en
vraghouers



Werkgewer vir ...
~12 000
mense



Deur 'n netwerk van ...
+750
dienssentrus

Hierdie Belastingbeleid is geskoei op die beginsels van belastingnakoming en -deursigtigheid; dit erken die rol wat Brambles speel in bewusmaking van, en vertrou in, die belastingstelsel internasionaal, en vorm deel van Brambles se gedragskode.

Brambles se gedragskode verskaf 'n etiese en regsraamwerk vir alle werknemers. Ons belastingbeleid stem ooreen met die beginsels van die gedragskode en geld wêreldwyd vir Brambles-ondernemings.

Brambles is daartoe verbind om aan belastingwetgewing te voldoen, en om eerlike, konstruktiewe verhoudings met belastingowerhede te hê. Belastingwette is inherent kompleks. Brambles probeer om aan wette te voldoen deur die regte hoeveelheid belasting in die regte jurisdiksie te betaal, toepaslike inligting bekend te maak, en steun en aansporings te benut indien dit beskikbaar is. Ons ondersteun groter deursigtigheid van maatskappye se belastingbetalings en -prosesse om sodoende openbare vertrouwe op te bou, en het die vrywillige kode vir belastingdeursigtigheid (Voluntary Tax Transparency Code) van die Australiese raad op belasting (Australian Board of Taxation) aanvaar (raadpleeg asseblief Brambles se Belastingdeursigtigheidsverslag).

Ons betaal korporatiewe inkomstebelasting, terughoubelasting, doeanebelasting, werknemersbelasting en ander belasting. Daarbenewens is daar belasting wat ons namens regerings van werknemers en klante insamel, byvoorbeeld verkoopsbelasting en BTW. Die belasting wat ons betaal en insamel, vorm 'n belangrike deel van die ekonomiese bydrae tot die lande waarin ons werkzaam is.

Ons verbintenis is gegrond op die volgende beginsels:

1. Belastingrisikobestuur en -bestuursraamwerk

Ons volg Brambles se raamwerk vir risikobestuur as deel van ons interne beheerprosesse. Ons identifiseer, evalueer en bestuur belastingrisiko's en bring dit toepaslik in berekening. Ons implementeer risikobestuursmaatreëls soos beheermaatreëls oor die volgende risiko's:

- Bedryfs- en transaksierisiko's – die risiko van onvoldoende belastingbepaling, -kundigheid en -berekening in saketransaksies, en swak implementering of bestuur van sleutelrisiko's, waaronder onvoldoende dokumentasie om geneemde besluite te ondersteun. Sleutelbeheermaatreëls sluit in dat die belangrikste funksionele areas, waaronder die groepbelastingafdeling, finale besluite in ooreenstemming met 'n goedkeuringsraamwerk neem en om eksterne advies en opinies of die instemming van belastingowerhede te verkry in gevalle waar wetgewing onduidelik is;
- Voldoeningsrisiko – die risiko van laat of onakkurate belastingopgawes. Sleutelbeheermaatreëls sluit in 'n sentrale databasis wat die indiening van belastingopgawes monitor, en die gebruik van eksterne ouditeursfirmas om sodanige opgawes op te stel of te kontroleer;
- Belastingrekeningkundige risiko – die risiko van wesenlike finansiële wanverklaring soos in die tersaaklike rekeningkundige standaard gedefinieer word. Sleutelbeheermaatreëls sluit in om belastingrekeningkundige instruksies aan opstellers van finansiële state te voorsien, en om wesenlike belastingsaldo's deur die groepsbelastingafdeling te laat nagaan en finale besluite daarvoor te neem, en
- Regulatoriese en bestuursrisiko – die risiko wat verband hou met nuwe wetgewing en die bestuur van die belastingfunksie. Sleutelbeheermaatreëls sluit in om te verseker dat toepaslike beleide en prosedures reg oor die wêreld bestaan, in stand gehou word, en konsekwent gebruik word, en dat die wêreldwye belastingspan die vaardighede en ervaring het om die benadering gepas te implementeer.
- Belastingverslagdoeningsrisiko – die risiko dat daar onvoldoende verslagdoening oor belastingrisiko's aan senior bestuur en Brambles se direksie is. Sleutelbeheermaatreëls sluit die handhawing van die Groep se belastingprofiel en periodieke verslagdoening aan sleutelbelanghebbendes oor sake soos enige beduidende transaksies, oudits deur fiskale owerhede, regulatoriese veranderings en monitering van die doeltreffendheid van sleutelbeheermaatreëls en -prosesse in.

Wesenlike belastingkwessies en -risiko's word, wanneer dit geïdentifiseer is, aan Brambles se komitee vir ouditering en risikobestuur en die direksie bekendgemaak.

2. Vlak van risiko in verhouding met belasting wat Brambles bereid is om te aanvaar

Die doeltreffende bestuur van risiko, waaronder belastingrisiko, is noodsaaklik vir die voortgesette groei en sukses van Brambles. Ons inkorporeer doeltreffende risikobestuur as deel van ons sakeprosesse. Brambles het interne beheermaatreëlstelsels en risikobestuursprosesse ontwerp en geïmplementeer, waaronder dié wat toepaslik is vir belastingrisiko, en dit is deur die direksie nagegaan.

Interne bestuursprosedures het 'n uitwerking op aanvaarbare risikovlakke deur:

- Risikokwessies, waaronder belasting, op 'n konsekwente manier en met gemeenskaplike metodes te identifiseer, te ontleed en te gradeer;
- Ons risikotoleransie vir belastingkwessies 'n belangrike oorweging tydens ons besluitneming te maak; en
- Goedkeuring deur senior bestuur of die direksie te vereis vir transaksies, volgens 'n goedkeuringsproses wat die vlak van risiko en wesenlikheid van die betrokke gevolge in ag neem.

Ons voldoen aan tersaaklike belastingwetgewing en probeer die risiko van onsekerheid of geskille verminder. Vir wesenlike transaksies soek ons sekerheid, byvoorbeeld deur eksterne advies en regsopinie te verkry of 'n ooreenkoms met belastingowerhede te bereik waar wetgewing onseker of ingewikkeld is.

3. Belastingstrategie en -beplanning

Brambles se gedragskode bepaal dat alle sakebedrywighede uitgevoer moet word in ooreenstemming met die wetgewing en regulasies van die land waarin die onderneming geleë is. Ons belastingstrategie en -beplanning ondersteun ons sakestrategie en weerspieël kommersiële en ekonomiese aktiwiteit. Toepaslike Brambles Groep-belanghebbendes, onder wie Brambles se direksie, die uitvoerende hoof, die finansiële hoof, en kommersiële, regs-, tesourie- en rekeningkundige hoofde, is betrokke, volgens 'n goedkeuringsproses wat die vlak van risiko en wesenlikheid van die betrokke gevolge in ag neem, om te verseker dat transaksies aanvaarbaar is.

Ons voer transaksies tussen groepmaatskappye op 'n armlengtegrondslag uit en in ooreenstemming met die organisasie vir ekonomiese samewerking en ontwikkeling (Organisation for Economic Co-operation and Development, OECD) se riglyne oor oordragprysbepaling.

Brambles probeer nie belasting ontduik deur kunsmatige reëlings, of belastingtoevlugsoorde, te gebruik wat geen sakedoel het nie.

4. Benadering tot belastingowerhede

Ons streef daarna om verhoudings met regerings en fiskale owerhede op te bou en in stand te hou wat konstruktief is en op vertroue en wedersydse respek gegrond is. Brambles voldoen aan die belastingwetgewing in elke land, maar indien onakkuraatheid voorkom, sal Brambles dit vrywillig en volledig aan belastingowerhede bekendmaak.

Ons werk proaktief en deursigtig met fiskale owerhede met die doel om geskille te verminder en om betyds eenstemmigheid te bereik oor enige areas waaroor ons verskil, waar dit ook al moontlik is. As deel van ons benadering tot geskiloplossing neem ons alle regmatige middels in ag, waaronder arbitrasie, wedersydse eenstemmigheid en waar dit gepas geag word appèlprosedures om sekerheid oor belastingbehandeling te verkry.

Ons kommunikeer met regerings en hul verskillende liggame oor die ontwikkeling van belastingwetgewing, en die toepassing daarvan, hetsy regstreeks of deur handels- en ander soortgelyke verenigings, soos toepaslik.

Ons benadering blyk uit die uitslag van nakoming-en-versekeringsoorsigte deur belastingowerhede, insluitend 'n Fase 3-gradering vir belastingrisikobestuur en -beheer, en 'n Hoëvlakgradering vir algehele versekering deur die Australiese Belastingkantoor, en 'n Laerisiko-gradering deur die Koninklike Inkomste- en Doeanediens, wat wys dat Brambles se belastingbeheerraamwerk goed ontwerp is en doeltreffend werk.

5. Rolle en verantwoordelikhede

Die volgende tabel verskaf 'n oorsig van die rolle en verantwoordelikhede vir die bestuur van belastingrisiko's binne die Brambles-groep:

Rol	Verantwoordelikheid
Brambles se direksie	Brambles Limited se direksie is verantwoordelik daarvoor om die groep se risikoptyt en sy raamwerk vir risikobestuur daar te stel, en om oor stelsels van interne beheer toesig te hou, waaronder die goedkeuring van die belastingbeleid.
Komitee vir ouditering en risikobestuur	Die komitee vir ouditering en risikobestuur staan die direksie by in die vervulling van sy verantwoordelikhede oor korporatiewe bestuur en oorsig, waaronder die doeltreffendheid van die bestuur van die groep se wesenlike risiko's, insluitende belastingrisiko's.
Finansiële hoofbeampte (FHB)	Die uitvoerende hoofbeampte se vernaamste verantwoordelikheid is risikobestuur, terwyl die FHB hoofsaaklik daarvoor verantwoordelik is om Brambles se finansiële risiko's, waaronder belastingrisiko's, te bestuur. Die aanmelding van hierdie risiko's by die komitee vir ouditering en risikobestuur en Brambles se direksie vorm deel van die halfjaarlikse verslag aan hierdie onderskeie liggame.
Groepvisepresident, belasting (Groep-VP, belasting)	Die groep-VP, belasting, is verantwoordelik vir die ontwerp van die belastingbeleid en die raamwerk vir belastingrisikobestuur, en om te verseker dat gepaste prosesse en beheermaatreëls gehandhaaf word en om spesialissondersteuning te verskaf.
Streeksvisepresidente, belasting (streeks-VP's, belasting)	Die streeks-VP's, belasting, en hul spanne is verantwoordelik om op streeksvlak voldoening aan die belastingbeleid te verseker, die raamwerk vir belastingrisikobestuur te handhaaf en om spesialissondersteuning aan die streeksake-eenhede te verskaf.
Groep- finansiële beheerder	Die groep- finansiële beheerder is verantwoordelik om voldoening aan plaaslike wetgewing en regulasies te monitor en uitsonderings soos laat ingediende opgawes twee keer per jaar by die komitee vir ouditering en risikobestuur aan te meld.
Streeks- finansiële beheerders	Streeks- finansiële beheerders is verantwoordelik vir die voldoening aan plaaslike wetgewing en belastingbeleid op entiteitsvlak, van die verwerking van transaksies tot die aanmelding en indiening van belastingkennisgewings en -opgawes met ondersteuning van eksterne adviseurs en die streeks-VP, belasting, soos dit gepas is.
Interne audit	Interne audit is daarvoor verantwoordelik om beheermaatreëls van tyd tot tyd te toets en bevindinge aan te meld. 'n Beskrywing van die beheermaatreëls sal as deel van die auditprogram onderhou word.

6. Wetgewende vereistes van Brittanje

Hierdie dokument word gepubliseer in ooreenstemming met paragraaf 19(2) van skedule 19 van die Wet op Finansies, 2016 (Finance Act 2016), vir die finansiële jaar geëindig op Vrydag 30 Junie 2023.

7. Goedkeuring deur die direksie

Die belastingbeleid is op Dinsdag 27 Junie 2023 deur Brambles se direksie goedgekeur.